

СЗМ – ТА БЭЭД Хөтөлбөр - Голомт Банк

Байршил:	МОНГОЛ УЛС
Төслийн дугаар:	55827
Бизнесийн салбар:	Хадгаламжийн зээл (банк)
Мэдэгдлийн төрөл:	ХУВИЙН ХЭВШИЛ
Байгаль орчны ангилал:	Санхүүгийн байгууллага (СБ)
Батлагдсан огноо:	2025 оны 8 дугаар сарын 22
Төлөв:	Батлагдсан
Англи хэлээр нийтэлсэн огноо:	2025 оны 9 дүгээр сарын 1
	Мэдээлэл олж авах тухай удирдамжийн 1.4.2 (iii) хэсгийн дараахь заалтын дагуу: "Захирлуудын Зөвлөлөөс зөвшөөрөл олгох эрхээ шилжүүлсэн Банкны удирдлагын баталсан төслүүдийн хувьд ЕСБХБ үүсгэн байгуулах тухай Хэлэлцээрийн 13 (iii) дахь зүйлд заасны дагуу Банкны гишүүн улсад үл татгалзах тухай мэдэгдэл явуулах тухайн хугацааны эхэнд Төслийн хураангуй тойм баримт бичгийг ил нийтэлнэ."

Төслийн танилцуулга

Төв Азийн Бизнес эрхлэгч эмэгтэйчүүдийг дэмжих хөтөлбөр (Төв Азийн БЭЭДХ)-ийн хүрээнд Голомт банк ХК (ГБ)-нд олгох 12 сая ам.доллар хүртэлх хэмжээний, анхдагч өглөгт тооцогдох 3 жилийн зээл.

Төслийн зорилго

Тус төсөл нь дотоодын эдийн засгийн өрсөлдөх чадварыг хөхиүлэн дэмжиж, харьцангуй дутуу хамрагддаг эмэгтэй энтрепренерүүдийн санхүүгийн хүртээмжийг нэмэгдүүлэхэд хувь нэмэр оруулна.

Шилжилтийн нөлөөлөл

Хүлээгдэж буй шилжилтийн нөлөөлөл (ETI)-ийн оноо: 70

Тус төсөл Төв Азийн БЭЭДХ-ийн зорилтуудыг хангахад хувь нэмэр оруулж, **Шилжилтийн нөлөөллийн хүртээмжтэй, өрсөлдөх чадвартай байх чанаруудыг** дэмжиж ажиллах болно. Зээлээр Төв Азийн БЭЭДХийн шилжилтийн зорилгууд, тухайлбал эмэгтэйчүүдийн эрхэлдэг бизнесийн санхүүжилт авах боломжийг нэмэгдүүлэх, илүү өргөнөөр авч үзвэл бизнес дэх эмэгтэйчүүдийн идэвхтэй оролцоог хөхиүлэн дэмжих, ингэснээр “санхүүжилтийн хүртээмж”, “ажил эрхлэлт ба энтрэнершип” гэх үүднээс жэндерийн хувьд хүртээмж хийдэлтэй байгааг залруулах явдлыг хэрэгжүүлэхэд дэмжлэг үзүүлнэ.

ҮЙЛЧЛҮҮЛЭГЧИЙН ТУХАЙ МЭДЭЭЛЭЛ

ГОЛОМТ БАНК ХК

Шинэ үйлчлүүлэгч болох Голомт банк ХК (“ГБ”, эсвэл “Голомт”) нь Монголын арилжааны хоёр дахь том банк бөгөөд нийт хөрөнгө нь 4.5 тэрбум ам.доллар, зээлийн багц нь 2.1 тэрбум ам.доллар, үндсэн хөрөнгө нь 418 сая ам.доллар болж, 2024 оны эцсийн байдлаар зах зээлийн 21.6 хувийг эзэлж байна. Тус Банк өнөөдрийн байдлаар Moody’s компаниас B2/Тогтвортой, S&B болон Fitch компаниас B+/Тогтвортой гэсэн үнэлгээ аваад байна.

ЕСБХБ-ны санхүүжилтийн тойм

12,000,000.00 ам.доллар

12 сая ам.долларын анхдагч өглөгт тооцогдох зээл.

Төслийн нийт өртөг

12,000,000.00 ам.доллар

\$12 сая.

Нэмэлт ашиг тус

Санхүүжилтийн бүтэц: ЕСБХБ зах зээл дээр байдгаас илүү урт хугацаа (tenor) санал болгож байгаа бөгөөд тэр нь төслийг бүтэцжүүлэхэд шаардлагатай.

Мэдлэг, инновац ба чадавхи бий болгох – ЕСБХБ нь эмэгтэйчүүдийн эдийн засгийн хүртээмжийг нэмэгдүүлэх мэргэжлийн туршлага (expertise), мэдлэг ба/эсвэл чадвараар туслалцаа үзүүлнэ.

Байгаль орчин, нийгмийн тойм

Санхүүгийн байгууллага (FI) ангилал (БОНБ 2019)-д багтаж буй. Голомт нь шинэ үйлчлүүлэгч бөгөөд ЕСБХБ-ны 2019 оны Байгаль орчин, нийгмийн бодлого (БОНБ) болон ЕСБХБ-ны Гүйцэтгэлийн шаардлага (ГШ) 2, 4 ба 9, түүний дотор Үл зөвшөөрөх жагсаалт, Хяналтын жагсаалтыг дагаж мөрдөх шаардлагатай. Үйлчлүүлэгчээр байгаль орчин, нийгмийн нарийвчилсан үнэлгээны асуумж бөглүүлэх, түүнтэй хоёр талын шугамаар харилцах замаар нарийвчилсан үнэлгээ хийж дууссан. Үйлчлүүлэгч одоогийн байдлаар ОУСК-тай харилцан ажиллаж байгаа бөгөөд тиймээс ч байгаль орчин, нийгмийн эрсдлүүдийг үнэлж цэгнэх, удирдан зохицуулах байгаль орчин, нийгмийн эрсдлийн менежментийн чадавхитай болсон. Гэхдээ, ГШ 2-

ыг бүрэн дагаж мөрдөх, ЕСБХБ-ны хөрөнгийг ашиглан санхүүжүүлж буй бүх дэд төсөл дээр Үл зөвшөөрөх жагсаалт, Хяналтын жагсаалтыг хэрэгжүүлэх явдлыг хангах талаар зарим нэг шинэчлэл хийх шаардлагатай болно. ЕСБХБ-наас дэмжиж байгаа дэд төслүүд нь байгаль орчин, нийгмийн эрсдэл багатай байх хүлээлттэй бөгөөд худалдааны санхүүжилт, ЖДҮ-ийн зээллэг дээр төвлөрч ажиллах юм. Голомтын одоогийн байгаль орчин, нийгмийн менежментийн тогтолцоо нь байгаль орчин, нийгмийн эрсдлийн түвшинд нь тохирч байгаа бөгөөд түүнийг үр дүнтэй ашигладаг байх шаардлагатай. Голомт бас худалдааны санхүүжилт, ЖДҮ-ийн зээллэгтэй холбоотой БОН-ийн эрсдлүүдийг ангилах, үнэлэх, саармагжуулах, хянах талаар ЕСБХБ-ны байгаль орчин, нийгмийн эрсдлийн менежментийн удирдамжид нийцүүлж ажиллах хэрэгтэй. Голомт банк БОН-ийн жил бүрийн тайлангаа ЕСБХБ-нд хүргүүлж байх шаардлагатай. Голомтын зээлээр санхүүжилт авсан дэд зээлдэгчид үндэсний байгаль орчин, эрүүл мэнд, аюулгүй ажиллагаа, хөдөлмөрийн шаардлагуудыг хангаж ажиллах ёстой..

Техник хамтын ажиллагаа ба Буцалтгүй тусламжийн санхүүжилт

Төв Азийн БЭЭДХ-ийн Техник хамтын ажиллагаа (ТХА)-ны хөтөлбөр нь хоорондоо уялдаатай ТХА-ны хоёр бүрэлдэхүүн хэсэгтэй байна. Үүнд:

(i) Санхүүгийн түнш байгууллага (СТБ)-уудад зориулан тохируулсан чадавхи бэхжүүлэх хөтөлбөр: СТБ-уудын чадавхийг бэхжүүлэх, хөтөлбөрийн дэмжлэг үзүүлэх (ойролцоогоор СТБ тус бүрт 300-400 мянган ам.доллар байх) зорилгоор байгуулсан, 8 сая ам.доллар хүртэлх хөрөнгө бүхий ТХА-ны хөтөлбөр. Тус ТХА-ны хөтөлбөр нь ЖДҮ эрхлэгч эмэгтэйчүүдийг дэмжих хөтөлбөр (WiB SME)-ийн тусгай хэрэгцээнд нийцсэн санхүүгийн бүтээгдэхүүн, зээллэгийн практик хөгжүүлэх, СТБ-ын ажилтнуудыг сургах болон маркетингийн дэмжлэг үзүүлэх зэргээр хөтөлбөрийн хэрэгжилтийг дэмжиж ажиллахад, мөн зах зээл дээр бүтэлгүйтсэн тохиолдлыг засч залруулахад хувь нэмэр оруулах замаар энэ бүлэг бизнес эрхлэгчдэд тогтвортой үндсэн дээр зээл олгох явдлыг хөхиүлэн дэмжих зорилго бүхий эрсдэл хуваалцах механизм бий болгоход дэмжлэг тусалцаа үзүүлэх болно. Энэ ТХА нь өөрсдийн ЖДҮ эрхлэгч эмэгтэйчүүдийг дэмжих хөтөлбөрийн үйлчлүүлэгчдэд зориулсан цахимжилтын хөрөнгө оруулалтыг хөхиүлэн дэмжих, үнэлгээ хийх, хөтөлбөрийн цахим бүрэлдэхүүн хэсгийн хүрээнд мөнгөн урамшуулал олгох ажлыг хэрэгжүүлэхэд нь СТБ-уудыг мөн дэмжиж ажиллана.

Санхүүжилтийн эх үүсвэр: Эмэгтэй энтрепренерүүдэд санхүүжилт олгох санаачилга (We-Fi)

Дүн/валют: 6.25 сая ам.доллар; Төв Азийн БЭЭДХ-ийн түвшинд баталгаажсан

Санхүүжилтийн төлөв: Нотлогдсон

Үйлчлүүлэгчийн хувь нэмэр: ЕСБХБ-ны Үйлчлүүлэгчийн хувь нэмрийн талаарх бодлого (BDS20-119/Rev 1) болон удирдамжийн дагуу, Голомт банк нь ТХА-г дэмжих зорилгоор 28,000 ам.доллар хүртэлх хэмжээний хувь нэмэр зэрэгцүүлэн гаргах ёстой. Энэхүү үйлчлүүлэгчийн зэрэгцүүлсэн хувь нэмрийг сургалт зохион байгуулах болон БЭЭДХ-тэй холбоотой бүтээгдэхүүн сурталчлах ажилд ашиглах зориулалт бүхий семинар, арга хэмжээ, маркетингийн үйл ажиллагаанд зориулж болно.

(ii) Жижиг бизнест зөвлөгөө өгөх багаар дамжуулан, ЖДҮ эрхлэгч эмэгтэйчүүд (WiB SME)-ийн чадавхийг сайжруулах.

Санхүүжилтийн эх үүсвэр: We-Fi

Дүн/валют: 5.7 сая ам.доллар, Төв Азийн БЭЭДХ-ийн түвшинд

Санхүүжилтийн төлөв: Нотлогдсон

Компаний холбоо барих мэдээлэл

Хатагтай Энхзаяа Баярсайхан, Олон улсын банкинг хариуцсан захирал

enkhzaya_b@golomtbank.com

+976 7575-1111 /1553/

+976 11-313155

<https://golomtbank.com/en>

Голомт банкны Төв байр, Д. Сүхбаатарын талбай 5, Шуудангийн хайрцаг 22,
Улаанбаатар 15160, Монгол Улс

ТХТ-ыг хамгийн сүүлд шинэчилсэн

2025.09.01

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг

тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алинаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах

боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.